

KOMUNA RAHOVEC

BULETINI MUJOR KOMUNAL
SHKURT 2023



PËRMBAJTIA

HYRJE.....	2
AKTIVITETE TË KRYETARIT DHE TË DREJTORËVE TË DREJTORIVE.....	3
PËRFUNDIM	111

HYRJE

Ky buletin është krijuar me idenë e promovimit të aktiviteteve të Kryetarit të Komunës dhe të drejtorëve të drejtorive gjatë muajve të vitit 2023.

Rrëndësia e botimit të buletinit mujor qëndron në dhënien e mundësisë për informacione mbi vendimet, zbatimin e politikave dhe rezultatet e aktiviteteve të Komunës së Rahovecit, në mënyrë të tillë që t'i mundësojmë qytetarit të ndjekë dhe të kontribuojë në mënyrë efektive në punën e institucioneve lokale.

Muaji shkurt i vitit 2023, është karakterizuar me një sërë aktiviteteve të kryetarit dhe të drejtorëve të drejtorive.

Me anë të këtij buletini mujor për muajin shkurt, ne jemi munduar të paraqesim me fotografi dhe në detaje aktivitetet e Kryetarit të Komunës dhe të drejtorëve të drejtorive në Komunën e Rahovecit.

AKTIVITETE TË KRYETARIT DHE DREJTORËVE TË DREJTORIVE



Bashkë me nënkryetarin z. Fatmir Iska dhe zyrtarë të kabinetit, kryetari Latifi priti në takim shefin e Zyrës Ndërlidhëse të Sllovakisë në Prishtinë, z. Rastislav Kostilnik. Kryetari e falënderoi shefin për vizitën dhe e njoftoi me veçantitë, të arriturat si dhe mundësitë që ka Rahoveci, poashtu e informoi se Komuna e Rahovecit rangohet shumë lart në performancë, transparencë dhe në shume aspekte të qeverisjes.

Para z. Kostilnik paraqiti edhe potencialin e madh që ka Rahoveci për investime në shumë fusha, posaçërisht investimet që pritet të bëhen në fushën e energjisë së ripertërishme.

Komisioni për Shqyrtimin e Ankesave të MBPZHR-së, pas shqyrtimit të ankesës së bazuar në faktet, argumentet dhe dëshmitë e ofruara prej komunës së Rahovecit, ka kualifikuar edhe 243 bujq, të cilet do të dëmshpërblehen për dëmet e pësuar nga vërshimet. Sipas raportit të Drejtorisë Komunale për Bujqësi, i cili po vazhdon të shqyrtohet në MBPZHR, përkatësisht në Komisionin për Ankesa të kësaj ministrie, nga 540 bujq që u janë dëmtuar kulturat e tyre nga fatkeqësitë natyrore, ditë më herët 214 bujq janë kompensuar, kur i shtojmë edhe 243 të kualifikuar që do të kompensohen, neve na mbetet të e vazhdojmë 'betejën', edhe për 83 bujq.



Me vendim të Kryetarit Smajl Latifi, është themeluar Komiteti Komunal Veprues. Komiteti në fjalë përbëhet nga 11 anëtarë. Nën udheheqjen e Nënkryetarit, z. Fatmir Iska, si

u paraqitën planet lidhur me sfidat e mëtejme. Detyrat dhe përgjegjësitë e KKV-së derivojnë nga Strategjia për Avancimin e të Drejtave të Komuniteteve Romë dhe Ashkali dhe si qëllim kryesor është integrimi sa më i madh i komuniteteve në shoqërinë tonë.

U mbajt takimi i parë konsultues me anëtarët e Këshillit Organizues për 17 Shkurtin - Ditën e shpalljes së Pavarësisë së Republikës së Kosovës. Në këtë takim u diskutua për hapat që do të merren për planifikimin e aktiviteteve të 17 Shkurtit, që programi të jetë sa më madhështor, ashtu siç është dita. Në mbledhje, mori pjesë edhe kryetari i Komunës së Rahovecit, Smajl Latifi, për ta dhënë mbështetjen e tij të parezervë.



Kryetari Latifi edhe këtë vit mori pjesë në aktivitetin për dhurimin e gjakut.

Dhurimi i gjakut, si akt human, është tipar dallues i banorëve të Anadrinisë. Falë aktivistëve humanitarë u bë viti i pesëmbëdhjetë (15) që organizohet në fshatin Ratkoc. Pjesëmarrja masive e njerëzve të kësaj ane tregoi shpirtin e madh të tyre. Shpëtimi i jetës përbën thelbin e shpirtit njerëzor dhe anadrinasit e kanë dëshmuar me aksione të ngjashme humanitare, gjithandej në komunën e Rahovecit. Përgëzoj organizatorët, banorët e Anadrinisë dhe stafin e Qendrës së Transfuzionit të Gjakut për këtë aksion të suksesshëm.

Kryetari Latifi ka emëruar veprimtarin Dervish Çadraku, në Kabinetin e Kryetarit të Komunës, në pozitën zyrtar administrativ, respektivisht Këshilltar për kategoritë e dala nga lufta e UÇK-së dhe vlerat kombëtare e historike. Emërimi i Çadrakut vjen pas vdekjes së Prof. dr. Sabahajdin Cenës, i cili për disa kohë e kreu këtë detyrë. Dervish Çadraku ka qenë i burgosur politik, veprimtar i çështjes kombëtare në nga organizatorët e luftës së UÇK-së në Anadrini, ndërsa për vite me radhë ka udhëhequr shoqatën për ruajtjen dhe kultivimin e vlerave kombëtare „Arbëria”. Ditëve të fundit u zgjodh kryetar i degës së të burgosurve politik në Rahovec.





Në Komunen e Skenderajt, me kolegë bashkepunetore, nënkryetari Fatmir Iska, u mirëprit në takim nga Kryetari i Komunës, z. Fadil Nura. Pas reshjeve të fundit atmosferike, të cilat kanë shkaktuar vërshime dhe probleme të tjera në Skenderaj, Kryetari z. Smajl Latifi ka marrë vendim që të themelohet "Fondi për Solidaritet për Zonat e përmbytura" për t'u solidarizuar me Skenderajn, andaj, sot dorëzuam donacionin me pako ushqimore e higjienike, nga ana e komunes së Rahovecit.

Kryetari i komunës, Smajl Latifi, i shoqëruar nga drejtori i Drejtorisë Komunale të Arsimit, Avni Morina dhe zyrtarë komunalë nga kjo drejtori, kanë mbajtur takim me drejtorë të shkollave fillore të mesme të ulëta dhe të larta të Komunës së Rahovecit. Në këtë takim është diskutuar lidhur me mbarëvajtjen e procesit edukativo-arsimor. Në fjalën e tij drejtori i Arsimit, Avni Morina, tha që sapo kemi filluar gjysmëvjetorin e dytë të mësimit dhe jemi në prag të festës së 17 Shkurtit - Ditës së Pavarësisë së Republikës së Kosovës dhe me këtë rast janë paraparë të zhvillohen një varg aktivitete përkujtimore, kulturore dhe sportive. Ndërsa, kryetari Latifi, ka kërkuar nga të gjithë drejtorët që në koordinim të plotë me personelin arsimor, të angazhohen maksimalisht që të vazhdojë në mënyrë të rregullt mbajtja e procesit mësimor dhe të respektohet rendi shtëpiak në shkolla.



I pranishëm në këtë takim ishte edhe komandanti i Stacionit të Policisë në Rahovec, z. Fazli Morina, i cili raportoi në detaje gjendjen e sigurisë në shkollat dhe ofroi bashkëpunim ndërinstitucional për të ngritur nivelin e sigurisë, sidomos në shkollat e mesme të larta.



Në palestrën e sportit "Mizahir Isma", në vigjilje të 15-vjetorit të Pavarësisë së Kosovës, ka filluar spektakli i basketbollit në Rahovec. Rahoveci me ngrohtësi dhe krenari mirëpret organizimin e Final 8 të Kupës së Kosovës në Basketboll, të organizuar nga Federata e Basketbollit të Kosovës, në bashkëpunim me "KB RAHOVECI". Skuadrat më të mira të Prince Caffè Superligës, Superligës së Femrave dhe Ligës së Parë të Meshkujve do të garojnë për trofetë e çmuar, e ku do të ketë basketboll cilësor dhe atmosferë sportive në tribuna. Kjo është një nga ngjarjet më të rëndësishme për basketbollin e Kosovës, andaj të gjithë pjesëmarrësve suksese!

Ne një atmosfere të forte sportive, por edhe të nxehte, "KB Rahoveci" ka arritur një fitore të pritshme e të merituar ndaj KB "Pejes" me rezultat 90 : 79, e cila përpos që i gëzoi të gjithë të pranishmit, ajo mban të fortë edhe shpresën që të përfjetojmë fitore të reja të ekipit të Rahovecit në Final 8, të Kupës së Kosovës.



Komunës së Rahovecit, iu nda mirënjohje për miratimin e Planit të Integritetit, krahas komunave të tjera të cilat e kanë miratuar këtë plan, nga Ministria e Administrimit të Pushtetit Lokal, në bashkëpunim me Organizatën për Siguri dhe Bashkëpunim në Evropë (OSBE), në një ceremoni të përbashkët për komunitet të cilat kanë miratuar Planet e Integritetit. Kryetari Smajl Latifi e pranoi Mirënjohjen nga Ministri i Ministrisë së Administrimit të Pushtetit Lokal, z. Elbert Krasniqi. Komuna e Rahovecit do të vazhdojë me përkushtimin dhe punën e qëndrueshme, në të mirë të qytetarëve të saj!

Shefi i Kabinetit, z. Ali Morina, bashkë me Drejtorin e Gjeodezisë, Kadastrës dhe Pronës, z. Afrim Oruqi, Drejtorin e Urbanizmit, Planifikimit dhe Mbrojtjes së Mjedisit, z. Albnor Mullabazi, Drejtoreshën për Punë Inspektuese, znj. Nora Boshnjaku, dhe zyrtarë nga zyra ligjore, zyra për barazi gjinore, pritën në takim përfaqësues nga USAID-i, si bashkëpunues të memorandumit të bashkëpunimit për Qeverisje të Pronës. U diskutua mundësia e krijimit të hartës digjitale për menagjimin e pronës komunale. Po ashtu u diskutua edhe infrastruktura ligjore e cila jo rrallëherë po shkakton probleme dhe vështirësi në dhenien e pronave në shfrytëzim. Bashkëpunimi me USAID-in, në këtë fushë, do të vazhdojë edhe më tej.



Në kuadër të aktiviteteve në prag të 17 Shkurtit - Dites së Pavarësisë së Kosovës, u mbajt Kuizi i Diturisë në lëndën e Historisë me nxënës të klasave XII. Në një garë të ngushtë dhe interesante ndërmjet ekipeve, vendin e parë e fituan nxënës të Shkollës së Mesme të Lartë "Ukshin Hoti" me 28 pikë, ndërsa vendin e dytë e fituan nxënës të Shkollës së Mesme të Lartë "12 Maji", me gjithësej 26 pikë.

Fondacioni "ADRIAN ORLLATI" vjen në Rahovec me një veper të madhe humanitare dhe bëmiresie. Në 15-vjetorin e Pavarësisë së Republikës së Kosovës, pas përfundimit të të gjitha procedurave ligjore, kryetari Latifi ka nënshkruar kontratën për ndërtimin e objektit për strehimin dhe kujdesin ndaj personave të shtyer në moshe, investim ky për qëllime krejt humanitare dhe bëmiresie, me njërin prej sipërmarrësve më të fortë e më të suksesshëm nga komuna jonë, z. Avni ORLLATI, respektivisht me Fondacionin "Adrian Orllati" me seli në Laussane të Zvicrës, të cilin e përfaqëson znj. Micheline Calmy Rey - Presidente e Fondacionit.





Në Seancën Solemne të Kuvendit Komunal, në 15-vjetorin e Pavarësisë së Kosovës, kryetari Latifi, në prani të bashkëpuntorëve të tij, familjarëve, miqve dhe bashkëluftëtarëve, ka ndarë dekoratën "Medalja e lirisë" nga Komuna e Rahovecit, , për dy bashkëluftëtarët e ndjerë VAJDIN BERISHA dhe SABHAJ DIN CENA.

U permbylli kampionati i basketbollit "FINAL 8 - KUPA E KOSOVËS", me ndeshjen finale ndërmjet ekipeve: KB Sigal Prishtina dhe KB Trepça, i pranishëm, sonte, me bashkëpunëtorë, me kryetarët, z. Përparim Rama, z. Bedri Hamza dhe me shumë adhurues të basketbollit, shijuan gjatë secilës ndeshje kulture sportive në nivel të duhur nga ekipet pjesëmarrëse. Gjatë gjithë këtyre ditëve, sportdashësit tanë, qytetarët e Rahovecit, dëshmuuan se kanë një kulturë të lartë mikpritjeje dhe ofruan spektakël sportiv për të gjitha ekipet dhe tifozët që ishin të pranishëm në Palestrën Sportive "Mizahir Isma". Ndeshja finale përfundoi me fitoren e ekipit të KB "TREPÇA" me rezultat: KB SIGAL PRISHTINA - KB TREPÇA 66:74.




PËRFUNDOI MBLEDHJA E KOMITETIT PËR POLITIKË DHE FINANCA, E DYTË PËR KËTË VIT KALENDARIK.

Udhëhequr nga Kryesuesi Kafexhiu, sot, është mbajtur mbledhja e dytë e Komitetit për Politikë dhe Financa (KPF) për vitin 2023. Të pranishëm në mbledhje, nërveç anëtarëve të komitetit, si zakonisht ishte edhe nenkryetari Iska dhe drejtorët e drejtorive komunale. Mbledhja ishte konstruktive, ku për mbledhjen e rregullt të kuvendit u proceduan 20 pika.

EDHE NJË ZOTIM PUBLIK PO PËRMBUSHET

Komuna e Rahovecit, në kuadër të shume zotimeve e ndihmesave që ka dhënë e jep për qytetarët e saj, kryen dhe shërbime periodike në vizita te fermerët blegtorë, mjekime të ndryshme me veterinarë të angazhuar, për bagëti të imëta, bagëti të trasha dhe qenë shtëpiakë. Kryetari Latifi, së bashku me drejtorin e DBPZHR-së, z. Berat Duraku, përcollën nga afër punën e përkushtuar nga veterinarit dhe zyrtarë të Drejtorisë së Bujqësisë, në procesin e vaksinimit të bagëtive të fermereve blegtorë të komunës sonë.

Kontrollet periodike do të vazhdojnë, si dhe drejtoria do të vazhdojë me punë të përkushtuara në të mirë të qytetarëve tanë.



Kryetari Latifi, së bashku me stafin e tij, kanë mirëpritur në takim komandantin e KFOR-it italian për Rajonin Perëndim, z. Mario Bozzi me bashkëpunëtorë, si dhe përfaqësues të LMT-së në Rahovec. Në këtë takim, kryetari pasi e uroi komandantin Bozzi, për marrjen e detyrës së re, diskutuan për çështjet që kanë të bëjnë me sigurinë dhe kultivimin e mëtutjeshëm të raporteve të mira të bashkëpunimit, si dhe për përkrahje në projektet që janë në interes të qytetarëve tanë. Kolonelin Bozzi e falënderoi edhe për bashkëpunimin dhe angazhimin e tyre në mbikëqyrjen e sigurisë, me theks të veçantë, kur dihet se prania e tyre ndikon drejtëpërdrejtë në ruajtjen e paqs dhe stabilitetit në Kosovë.

MBAHET MBLEDHJA E KOMITETIT PËR SHËNDETËSI DHE PËRKUJDESJE SOCIALE

Ne prani te anetareve te Komitetit per Shendetesi dhe Përkujdesje Sociale, nën udhëheqjen e Kryesueses Vlora Vuçitërna Çmega, u mbajt mbledhja e parë e komitetit për vitin 2023.

RENDI i ditës ishte:

1. Aprovimi procesverbalit nga mbledhja e kaluar;
2. Shqyrtimi i Planit të Veprimit për vitin 2023;
3. Të ndryshme.





Kryetari Latifi, së bashku me stafin e tij, ka mirëpritur në takim Konsullin e ri të Përgjithshëm të Turqisë në Prizren, Celal Doğan, në një takim njoftues, të cilit i dëshiroi mirëseardhje dhe e uroi për detyrën e re.

Kryetari Latifi e informoi për vazhden e aktiviteteve komunale, investimet dhe punët që po vazhdojnë të bëhen, poashtu e falënderoi për përkrahjen dhe mundësinë e shtimit të bashkëpunimit në fusha të ndryshme.

PËRFUNDUI MBLEDHJA E RREGULLT E KUVENDIT KOMUNAL TË RAHOVECIT, E DYTË PËR KËTË VIT KALENDARIK

Udhëhequr nga kryesuesi Defrim Kafexhiu, u mbajt seanca e dytë e rregullt për vitin 2023. Të pranishëm në seancë përveç kuvendareve, si zakonisht ishin edhe Kryetari i Komunës, Smajl Latifi, Nënkryetari Iska, drejtorët e drejtorive komunale, mediat që monitorojnë seancën, përfaqësuesit e KFOR-it dhe disa nxënës të Shkollës së Mesme Profesionale "Selajdin Mullabazi-Mici". Në rend dite ishin 20 pika.



PËRFUNDIM

Ky buletin përmbledhës paraqet thekset kryesore të aktiviteteve që kanë ndodhur gjatë muajit shkurt 2023.

Fusha e qeverisjes së mirë është mjaft e gjerë, e një aspekt i rëndësishëm i saj që është i pashmangshëm për ta plasuar qytetarin në vend qendror, është liria e informimit.

Informacioni është themeli i qeverisjes së mirë, jo vetëm sepse e rrit efikasitetin, porse i fuqizon qytetarët dhe mundëson shpërndarje të barabartë të përfitimeve nga zhvillimi i përgjithshëm në vend, andaj duke dashur që të jetë sa më transparente me publikun, Komuna e Rahovecit përmes këtij buletini muJOR ka ofruar një pasqyrë të përgjithshme të aktiviteteve të saj, për t'u dhënë mundësi qytetarëve që të njohin dhe të vlerësojnë punën e institucioneve komunale.

Komuna e Rahovecit ka vënë në funksion këto parime përmes formave të ndryshme të komunikimit me qytetarë, takimeve të drejtpërdrejta, informimit publik dhe çfarëdo metode tjetër përmes së cilës transparenca të ndikojë në avancimin e vetëqeverisjes lokale.

Përveç konsultimit dhe komunikimit, këto dokumente forcojnë lidhjet e qytetarëve me komunën dhe rrisin besimin që e gëzojnë zyrtarët publik në nivel lokal.

Rahovec, shkurt 2023